



ル 5
2537
16



門牌805
號2537
卷20-16

日下舊聞卷三十二

京畿八

玉田

豐潤

遵化

平谷



玉田縣在州城東八十里明一統志

故無終子國漢書注

魯襄公四年無終子嘉父使孟樂如晉因魏莊子納虎豹之皮以請和諸戎國語

昭公元年晉中行穆子助無終及羣狄于大原左傳

北平有無終縣釋例土地名以北戎山戎無終三名為春秋正

項羽封韓廣為遼東王都無終漢初滅荼擊殺廣于無終并其地漢滅荼置無終縣屬右北平郡更始以苗曾為幽州牧治無終吳漢斬之晉屬北平郡隆安三年慕

容盛使其將李早討叛將李朗于令支朗請救于魏自
迎魏師于北平早克令支遣別將孟廣平擊斬朗于無
終後魏屬漁陽郡隋初屬元州大業初為漁陽郡治隋
末廢 方輿紀要

唐武德二年置無終縣貞觀元年省乾封二年復置萬
歲通天元年更名玉田神龍元年隸營州開元四年還
隸幽州八年隸營州十一年又隸幽州有濠門米亭三
谷疆石方公白楊等戍 唐書注

十八年立薊州割以來屬 清類天文分野之書

五代梁開平初劉守文引滄德之兵討劉守光戰于玉
田敗還遼仍其舊名宣和四年改置經州金復為玉田
元因之 方輿紀要

吏部員外郎傅察接伴賀正旦使人于玉田縣幹離不
脅之使降副使蔣黈等羅拜獨察不屈死之 東都事畧

王宗仁妻宋氏進士宋娶之女也宗仁家永平永平受
兵宋氏從夫避于鐔子山夫婦為軍所執行至玉田縣
有窺宋氏色美欲害宗仁者宋氏顧謂夫曰我不幸至
此必不以身累君言訖遂攜一女投井死 元史列女傳

縣城築于成化三年周圍一千二百二十步城門三東
曰迎旭西曰拱宸南曰來薰其北門久塞隆慶元年增
崇三尺崇禎八年其內悉易以磚既而復濬濠導彭家
橋水注之 縣志

謝鐸玉田縣新城記畧成化四年四月薊州玉田縣
新城成先是縣有土城歲久頽圯齊東喬君瑾來宰

是邑謀于巡撫右僉都御史閻公本請于上以指揮使李迪署都指揮僉事蒞其事闕一年訖工易土以甃崇二丈五尺

桃谿淨臺

縣治在城西北隅建于元延祐年辛酉有學士郭賈碑記文稱京師高庭謁由保定路元州判官來茲邑捐奉錢構廳宇繪蠶麥圖于壁高既去有楊君玉傳伯元續成之

縣志

儒學在縣治西創于遼乾統中今大覺寺是其遺址嘉靖癸巳改建于西關外庚戌督學御史阮鶚復移城內以玉陽觀為之萬曆六年又稍遷而東築臺建大成殿東西兩廡及戟門

同上

上生寺在縣治東南永樂四年建

寰宇通志

陽樊驛舊在縣西二十里嘉靖二年遷于縣之西關

輿紀要

采亭橋在縣西二十里金士楊繪建繪邑人采亭其別字也

名勝志

玉田縣西北有水其色蔚藍可愛亦曰藍水其土如靛蓄靛者恒取土和靛賣之

燕山叢錄

藍水出北山東屈而南流逕無終縣故城無終子國也

水經注

麻山在縣城北十五里與旁山相連南即種玉山也距縣西北二十五里懸厓壁立其旁為石鼓唐太宗征高麗嘗聚兵于此

名勝志

燕山在縣西北二十五里晉咸康四年石虎攻段遼

將北平相陽裕登燕山以自固即此方輿紀要

燕山之脈自太行迤邐而東暨玉田直抵海岸燕國由

此名或以為即燕然非也長安客話

由燕山口迤西二里折而北又東歷磴石上有梨花菴

綠陰覆翳可以避暑縣志

燕山上懸巖之側有石鼓去地百餘丈望若數百石因

有石梁貫之鼓之東南有石人援桴狀同擊勢者舊言

燕山石鼓鳴則土有兵水經注

楸子谷在石鼓山後七里有寺縣志

右北平城東北一百一十里有徐無城魏氏土地記

徐無縣故城王莽之北順亭水經注

城在縣東涇縣屬右北平郡後漢因之晉為北平郡

咸康三年後趙石虎攻段遼于令支至徐無後魏縣屬

漁陽郡後周廢入無終縣方輿紀要

庾水出右北平徐無縣北塞中南流歷徐無山得黑牛

谷水又得沙谷水並西出山東流昔田子泰避難居之

衆至五千家開山番曰山出不灰之木生火之石注云

其木色黑似炭而無葉有石示色如丹以一石相磨則

火發合則無之水經注

田疇得兆灶遂入徐無山中營深險平敞地而居躬耕

以養父母百姓歸之數年旬至五千餘家疇謂其父老

曰諸君不以疇不肖遠來相就衆成都邑而莫相統一

恐非入安之道願推擇其賢長者以為之主皆曰善因

僉推疇之乃為約束相殺傷犯盜淨以之法之重者至

死其次抵罪二十餘條又制為婚姻嫁娶之禮與學校
講授之業班行其象之皆便之至道不指遺北邊翕然
服其威信魏志

山在縣東北二十里建安十一年曹操伐烏桓令田疇
為鄉導上徐無山是也方輿紀要

小泉山在縣東北二十五里上有泉出石罅西南流五
里合大泉山之水入白龍江名勝志

無終山一名翁同山又名陰山在漁陽縣西北四里大
平裏字記

漫水又東南流為北黃水又屈而南為南黃水又西南
逕無終山即帛仲理所合神丹處也又於是山作五
千斤以救百姓山有陽翁伯玉田在縣西北有陽公壇

社即陽公之故居也水經注

陽翁伯者盧龍人事親以孝葬父母於無終山山高八
十里其上無水翁伯廬于墓側晝夜號痛神明感之出
泉于其墓側因引水就官道以濟行人嘗有飲馬者以
白石一斗與之令翁伯種之當生美玉果生白璧長二
尺者數雙北平徐氏有女翁伯欲求婚徐謂媒者曰得
白璧一雙可矣翁伯以白璧五雙遂壻徐氏數年雲龍
下迎夫婦俱昇天今謂所居為玉田坊翁伯仙去後子
孫立大石柱于田中以紀其事仙傳拾遺

雍伯雒陽人搜神記

陽氏譜叙言翁伯是周景王之孫食采陽樊春秋之末
爰宅無終因陽樊而易氏焉愛人博施天祚玉田其碑

文云居於縣北六十里翁同之山後路徙于西山之下
陽公又遷焉而受玉田之賜情不好寶玉田自去今猶
謂之爲玉田陽于寶曰於種石處四角作大石柱各一
丈中央一項之地名曰玉田

水經注

古漁陽北有無終山山上有燕昭王家

九州要畧

張華晉惠時爲司空于時燕昭王墓前有一班狸須
年能爲幻乃變一書生欲詣張公過問墓前華表曰以
我才貌可得見張司空否華表曰子之妙解爲無不可
但司空智度恐難籠絡出必遇辱非但喪子千歲之寶
亦當深誤老表不從遂詣華華見其風流潔白雅重之
於是論及文章辨校聲實華未嘗聞比復商畧三史探
贖百家談老莊之奧區被風雅之絕旨包十聖貫三才

箴八儒擿五禮華無不應聲屈滯乃歎曰天下豈有此
年少若非鬼怪卽是狐狸書生乃曰明公嘗尊賢容衆
奈何憎人學問言卒便請退華已使人防門不得出既
而又謂華曰公門置甲兵欄騎當是疑于僕也將恐天
下之人捲舌而不言智謀之士望門而不進深爲明公
惜之華不應而使人防禦甚嚴豐城令雷煥博物士也
謂華曰聞魍魎忌狗所別者數百年物耳千年老精不
復能別唯有千年枯木照之則形見燕昭王墓前華表
已千年乃遣人伐之使人既至華表歎曰老狸乃不自
知果誤我事于華表空中得青衣小兒長二尺餘將還
至洛陽而變成枯木燃之以照書生乃是一班也茂先
歎曰此二物不值我千年不可復得

集異記

羅隱燕昭王墓詩戰國蒼茫難重尋此中踪跡想知音
強停別騎山花曉欲弔遺魂野草深浮世近來輕
駿骨高臺何處有黃金思量郭隗平生事不殉昭王
是負心甲乙集

金明威將軍同知宣徽院事上輕車都尉隴西郡開國
伯食邑七百戶李磐神道碑其文中順大夫同知中都
路都轉運使輕車都尉廣陵郡開國伯食邑七百戶高
德裔撰并書磐字仲安玉田人墓在縣城東北又城北
有元同知荀州事楊德澗墓墓碑其兄子遇所撰黃圖
雜志

庾水在縣東北四十里卽豐潤之溲水也方輿紀要
梨河在縣東二十里自遵化縣南流經縣境又南入寶

坻縣界縣之東境諸水多流入焉同上

鴟鴻橋在縣東南四十里縣志

興州左屯衛在玉田縣東南一百四十里舊在開平衛
境永樂初移建於此方輿紀要

縣有清莊塢導河可田後湖莊疏湖可田三里屯及大
泉小泉引泉可田也屯政考

光砂泉在玉田縣南攻玉所用寰宇通志
偏林在縣境金大定二十年以玉田縣行宮之地偏林
爲御林卽此方輿紀要

豐潤縣在州城東南一百九十里明一統志
本玉田縣之永濟務金泰和中置豐潤縣屬荀州方輿
紀要

元至元二年省入玉田四年以路當衝要復置元史地理志

至元二十二年立豐閩署于大都路薊州之豐閩縣為戶八百三十七為田三百四十九頃元史兵志

洪武元年改閩為潤仍屬薊州清類天文分野之書

縣產鹽場故名豐潤郡縣釋名

縣舊有土城正統十四年始甃以磚城周圍四里并女牆高二丈五尺門四東來遠西拱宸南觀海北鎮朔隆慶二年增修高五尺三年增建角樓四東南曰羗伏西南曰海潤東北曰定邊西北曰保極縣志

縣治在城東北隅金大定二十七年建元至元七年縣令孫慶瑜修之有碑記又有儒學教諭武起宗疆域記

刻石同上

元孫慶瑜豐閩縣記永濟務左控孤竹台接燕終溟海浮前醴泉鎮於後其民勤儉而力稼穡田廣遠而極膏腴所出絲枲魚鹽所宜稻黍黍稷若夫漚水紺碧放舟南下縱其所往紫蟹金鱗隨意而得雖大郡未足多也聞之父老云在昔金大定間始改務為縣至大安初適東海郡侯諱更名曰豐閩地方數百餘里戶不啻二萬民物豐衍賦入繁阜為薊郡諸縣之最承安中以懷遠大將軍步谷公習捏來宰是縣我大朝開創以來庚辰之歲改縣為閩州以李公充鎮國上將軍行節度使因幹世西京舉病以歸迺不克抵任遂以同知張公就充節度使大豪咎公由縣

今陞宣差燕京路越支鹽使時人號咎平州是也厥後石抹公亦首任此縣後陞宣差平灤路廉訪蓋權使薊州達魯花赤蓋爰昔逮今來爲令者非軍功耆德未易處此至元初省併諸司移節官吏將邑并入玉田未及週歲邑人成曰豐閏實東西要衝相去玉田地里遼邈民有訴訟奔走控告大所不便有耆舊李君信之慨然首倡懷牒詣省部陳理遂蒙允可縣治得仍舊於今頃有年矣前縣尹張公主簿牛公世宦豐閏縣尹楊公自玉田來蒞是邑皆淵通物理刺裁平允百姓信服治績有稱達魯花赤脫出蒙古人也賦性純謹深達時事主簿范公闕閣相承用蔭歷治真定武強所至爲循良之吏僕世業農叨忝縣宰自慙魯鈍不足比數日以簿書爲念特愛其山川形勝有登臨之樂課其風俗好惡有布政之宜故因修完廳事落成之日寫之翠琰庶幾來者尚有攷于斯云

按豐閏曾陞爲閏州元史不載清類天文分野之書成于洪武初去元甚邇亦未之及乃見于當日縣令之文勒之于石者未可云無徵不信也

縣治內古鼎一弘治間土人鑿井得之重五百斤圓腹弁口四足足上爲牛首下爲牛蹄款識甚古或以爲商時物

長安客話

儒學在縣治東南金大定中建元二二元年十二年構大成

殿延祐五年增建兩廡有郎中張勗碑記縣志

元張勗勗建又廟兩廡碑浚陽豐閏縣遼金以降為州為縣載在沿革茲不多云其地東連碣石西接漁陽南矚滄溟北隣白雪沃壤數百里魚鹽之利棗栗之饒甲于東方天兵革命之後邑之儒宮鞠為茂草遺跡不存至元十二年邑中耆老鳩錢千萬十日而經營之不期月創構大成殿設聖像于中列十哲于左右春秋祭祀俾諸儒拜趨其下展其誠敬於今四十餘載兩廡諸賢之位尚猶闕然延祐三年夏翰林掾史耿公承事來尹是邑暇日游于芹宮謀諸同僚鳩材募工經始于延祐五年八月落成上卷之十月告成之日邑耆老楊質等欲刻諸石於是學宮

齊賢請予辭而銘之

豐盈倉在豐潤縣四鎮三關志

興州前屯衛在縣治西永樂二年移建方輿紀要

弘法寺在縣治西唐顯慶元年建金泰和五年元至十四年相繼重修縣志

馬中錫過弘法寺詩白髮吳僧健譚空坐講堂留人多愛茗供佛祇焚香日落鴉爭樹天寒鶴共尹卷二行役倦風雨欲連東田漫稿

天宮寺在城西南遼清寧元年鹽監張日成建有塔一十三級初名古塔院壽昌三年賜額極樂院至金人與宋修好行府悉寓于此天會五年勅加大天宮寺縣志義豐驛舊在縣東三十里嘉靖二年遷于縣之南關同

上
豐潤南關外玉皇閣有石塔建自元時塔有六角每角有石龍一成化中其東南角龍乘雨飛去至今缺焉燕

山叢錄

車軸山在縣南二十里孤圓而高若臥轂然上有壽峯寺無梁閣一塔二縣志

陡河在縣南三十里發源于遷安縣館山由牝牛橋而來其地掘丈餘有水火炭可供爨陶磁器者利之同上

韓城鎮在縣南五十里有河源出車軸山經鎮北又西流十餘里入漫泊下流會還鄉河方輿紀要

鎮有居民可二百家並無城許奉使行程錄
沙河在縣南源出灤州界西北流經縣之越支社又屈

而東南流入于海縣志

越支社在縣南百里亦曰越支場有宋家營鹽課司方輿紀要

元徐世隆越支社重立鹽場記幽州置鹽始見于後魏歷唐以迄道金地屬京圻生齒既繁炊鑊益眾嘗設提舉司於寶坻秩視五品以重其選所轄諸場越支課居其半特除管勾一員以蒞之國初草創鹽政未立任土之貢一付京官時土豪張進輩被府檄鳩遺民數十戶集越支之宋家營以居復事煎造聚落未成京使已旁午令大償巨賈債縲鞭笞逼急田野為之蟪然未幾以鹽司隸徵收課稅所眾稍息肩自鬻課之令行提領諸路者既自詭增倍鎔山爨海搜

羅殆盡其徵輸入官者須厚賄乃獲歸且以所費取
償於其屬大抵用直十錢之物嘗估以當數十錢之
屬而工本又稽時不給給則尅減自是竈民困矣中
統收元分十道宣撫爲外臺悉革前弊然上禁甚嚴
下之怙勢罔利者甚虐無告民猶爲病至元二年詔
以大中大夫禮部侍郎倪德政爲中都路轉運使提
領稅司事荅木丁同知使事實抵鹽使崔岩臣副之
倪公敦厚廉平且練財穀稔知民苦計會同僚公議
凡窆戶入監卽給值仍純支寶鈔不折諸物其尤貧
窶者預貸工資以賙之存恤百姓於是富者起逋者
還乏者足惰者勤擔者車步者騎僑者籍料量平賦
訴息獄犴空倪公與之同僚和之曾不三歲鹽課以

盈席袋山積瓦廬相連牛馬蔽野熙熙然如在春臺
和氣中咸曰自再立鹽司以來幾五百年未有如今
日之安靜無擾者也耆老翟安仁暨士人數百願樹
監司石以紀政績介故人曹君世傑來乞文余謂人
知監司之賢不知相臣擇監司之賢人知相臣能擇
人之賢又不知天子能擇相臣之聖惟上下各得其
人故能利人之病富人之貧樂人之樂憂人之憂使
諸路監司皆能如倪公輩之心將澤遍天下又豈特
越支一場而已哉

沙巖寺在縣西十五里中有十三級塔洪武中有雲霧
護塔三日遂失所在今遺址尚存燕山叢錄
沙流河在縣西四十里源出縣西北五十里之黨谷山

下經兩山口又西南流合于還鄉河元致和初懷王襲位上都兵自遼東入討撒敦等拒之于薊州東沙流河是也

方輿紀要

鴉鵲山在縣西北二十里峯巒秀拔高數百仞中有二石穴名孟家洞趙家洞又西有兩山口兩山若狼山管山也兩岸對峙中有路通遵化縣又有蓮花池水注焉

梁家務在縣西北二十五里有聖嚴寺元至正年修縣

志

靈應山在縣西北四十里懸崖壁立岩畔有泉歎流

下注于流沙河

方輿紀要

山有石洞洞中有石觀時有巖溜滴砌

中豐潤縣

志

上垠廢縣在縣西北六十里漢置屬右北平郡後漢為郡治晉屬北平郡後魏屬漁陽郡後屬安樂郡地形志太平真君九年置土垠縣似廢而復置也舊志稱土垠城在密雲東百里陳宮山下即此城矣後齊廢今縣東十里有垠城鋪垠音銀

方輿紀要

南關城即古垠城相傳趙武靈王所築

名勝志

巨梁水出土垠縣北陳宮山西南流逕觀鷄山謂之觀鷄水水東有觀鷄寺寺有大堂甚高廣可容千僧下悉結石為之上加塗墍基內疏通枝經脉散基側室外門出燹火炎勢內流一堂盡温蓋以此土寒嚴霜氣肅猛出家沙門率皆貧薄施主慮闕道業故崇斯構是以志

道者多栖托焉水經注

陳宮山在縣北七十里觀雞寺在縣北四十里俗傳峯頂有金雞之瑞故名名勝志

陳宮山縈迴數十里東臨還鄉河西接黃土嶺山南有峯其色蒼翠一名華山有龍泉井鑿石而成每六月水滿且溢至冬乃止又曰溢泉井縣志

澆水在縣北八十里一名還鄉河或謂之雲澆水源自遷安縣歷崖兒口西南流經縣境入玉田縣界合于梨河方輿紀要

澆水源出崖兒口經豐潤玉田由運河入海凡水皆自西而東此水獨西故俗謂之還鄉河宋徽宗過河橋駐馬四顧悽然曰過此漸近大漠吾安得似此水還鄉乎

不食而去人謂其橋為思鄉橋燕山叢錄

徽宗北狩經薊縣梁魚務務有還鄉橋石少主命名人至今呼之上曰此乃亂世之主後聖必能力伸此寃令我回此橋不食而去宣政雜錄

國初用遮洋船從直沽出海轉餉薊州時有漂沒天順二年開直沽河歲久復堙嘉靖四十五年詔濬豐潤縣還鄉河轉運太平等寨軍餉於北齊莊張官屯鴉鴻橋設三閘以瀦水焉吳文恪公集

崖兒口山在縣東北八十里其山綿連而中斷東為崖兒口西為白雪口有水自崖而入方輿紀要

翠峯寺北去縣四十里金貞祐初建中有二石柱雕八龍天將雨龍頭晶晶有水珠又有翠峯觀縣志

豐澗金窰山極險峻山腹石壁間宛如門扇而不可開
上有朱書數行惟縱有黃金人不見七字可辨識其書
雖極力磨洗不滅人以爲金鑛所在 燕山叢錄
甘泉寺在縣北二十里水路村元至正年修 縣志
枇杷山在縣北三里其山平廣產白土如粉可飾屋壁
同！

俊靡廢縣在縣北漢置屬右北平郡後漢因之建武中
遣吳漢等擊尤來大槍賊窮追至俊靡是也晉屬北平
郡後廢 音麻方輿紀要
花園村在縣東二十里 名勝志
靈照寺唐稱福興院金承安中修在城東二十里 豐澗縣志

馬頭山連峯馳驟最南一峯昂若馬首在縣東二十里
方輿勝要

豐澗縣東北有山惟荆叢生相傳唐太宗為秦王時登
此山見荆愕然曰此里師授吾句讀時所用朴也下馬
拜荆皆垂首嚮地如頽伏狀至今猶然石上有秦王下
馬跡因名秦王山 燕山叢錄

真常寺在縣東北三十五里隋建 縣志

朝月山在縣東八十里兩峯特起狀如偃月山陰為石

坑 方輿紀要

腰帶山亦在縣東八十里上有石厓繞山半如束帶然
同上

靈泉水出腰帶山南百餘步上有石屋竇深尺許泉注

其中西為大嶺山行旅所經也 各勝志

縣南有大砦及刺榆垓史家河大王莊之地東則榛子

鎮西則鴉鴻橋夾河五十里皆可屯之區也又自水道

沽關黑岩子墩至宋家營諸處東西百里南北百八十

里地皆瀕海平曠可耕 屯政考

城西盧各莊韓天企墓有金崇慶二年所立碑 豐潤縣志

遵化縣在州城東一百二十里 明一統志

遵化古無終地漢屬右北平唐天寶初於此置買馬監

號監城 清類天文分野之書

後唐始置遵化縣 方輿紀要

遼重熙中置景州清安軍以縣來屬 遼史

宋宣和四年金人以州來歸賜郡名曰灤川軍事 宋史

金廢州縣隸薊州元因之 方輿紀要

縣舊係土城洪武十一年指揮周寶拓城西外地發以

輓萬曆九年總兵戚繼光撤而更築之內外以甃周一

千三百五十一丈計六里基廣三十尺高曰尋有半堞

一千三百四十一為門四東鎮海南時薰西戴京北清

漠門樓四東門之北建簪纓樓 縣志

縣治在城之東北隅洪武初主簿徐成建萬曆四年知

縣事宋仕擴之儒學在縣治西南金正隆三年勅立元

大德元年縣尹盧珪修 同上

遵化衛在縣治南洪武十年建東勝右衛在遵化衛西

永樂初移建于此忠義中衛在縣治東南永樂初建寬

河守禦千戶所在縣治南建文二年建 方輿紀要

大悲閣在城中高十尋榜曰護國仁王佛壇相傳建戶

六朝元至大元年修 縣志

謝榛登遵化閣詩凌虛樓閣鬱崔嵬四望青山宿霧

開日上海關邊色盡天連沙漠鴈聲來仲宣賦就千

年事張載銘成一代才懷古不堪空佇立秋風吹鬢

放歌回 四溟山人集

廣慧寺在城西南宣德年建 縣志

鍾山觀在縣治東 明一統志

遵化驛在戴京門外西南有館有序有門有馬神祠明

崇禎二年廢 縣志

蒲池在郭門西七里廣二里 同上

湧泉湖在縣西南湖不甚廣而泉水澄淨不竭 方輿紀要

要

縣西南平安城及沙河舖湧泉湖韭菜溝上素河下素

河皆利于耕屯處也 水客評

梁河在縣西南十里源出縣北山谷中舊志云出灤州

界流入縣境縣西北有湯河出鮎魚口又有清水河出

道溝谷俱流合焉經玉田縣入寶坻縣界會于潮河建

文三年遼東兵圍遵化燕兵敗之于清水寺橋蓋在

清水河上 方輿紀要

縣西南十三里明月山高百餘仞上有石穴南北相通

穴口望之如明月然又十二里為夾山中有寺曰慈應

寺山口有石曰試杵石 名勝志

遼化縣小燕口有石如卧牛其上杵迹徧滿名曰試杵石又五里水門口有石如龜形潦水暴至勢苞陵阜而此石依然水上相傳龜沒則有兵

燕山叢錄

平安城在縣西南五十里周圍五里相傳唐太宗征遼遘疾經此旋愈故名

名勝志

縣南八里有南龍山其北有北龍山兩山相望蜿蜒如龍

方輿紀要

沽水南出峽岸有二城世謂之獨固門以其藉險憑固易為依据兼壁昇聳踈通若門故得是名也

水經注

獨固門一名龍門在縣南十里上台下開開處高六丈許水自懸崖傾瀉而下觸石成井奔盪之聲轟然若雷

名勝志

縣南十七里清風山其山四時蕭颯多風

縣志

桃花山在縣南二十五里層峯疊嶂上多桃樹其巔有

塔山下聖水泉旁有石室

同上

磨臺山在縣南四十里山高聳而頂圓如磨

方輿紀要

蓮花池在磨臺山金大定間有大龜負鏡出浮池面土人異之建刹名龜鏡

長安客話

靈靈山上有靈靈寺在縣南五十里

縣志

山高九百餘丈為縣境群山之冠

方輿紀要

鐵冶廠在縣治東南六十里城小而堅元時置冶砂坡

谷正統三年移此

縣志

遵化鐵廠永樂年間在砂坡谷開設宣德中遷松棚谷正統年遷白冶莊去縣可八十里又二十里則邊牆矣

爐有神元之爐長康侯也康當爐四十日而無鐵懼罪
欲自經二女勸止之因投爐而死衆見其飛騰光燄中
若有龍隨而起者項之鐵液成元封其父爲崇寧侯二
女稱金火二仙姑至今祀之其地原有龍潛于爐下故
鐵不成二女投下龍驚而起焚其尾時有禿龍見焉春
明夢餘錄

元時遵化縣民康小二爲官鑄鐵不鎔費薪炭無數主
者將治之康有二女恐父獲罪俱祝天投入冶中鐵應
時鎔其見二女隨烟焰上昇事聞勅爲金火二仙姑至
今鐵冶祀之燕山叢錄

鐵山在郭東五里小嶺也中斷若峽山石黝黑每朝日
射峽口一縷如虹石色俱殷縣志

景忠山在城東六十里舊名陰山總兵馬永建三忠祠
于山上因更名焉同上

縣東北二十五里五峯山東曰快目南曰瑞雲西曰紅
翠北曰虎岩中曰紫蓋峯皆崛起名勝志

山有雲昌寺遼重熙中僧志紀重修更名禪林寺山半
懸石曰鷄鳴石取小石扣之作羣雞聲縣志

遵化禪林寺前龍潭嘗有毒龍居之時爲民害金世寺
僧龍勝奴持水之潭側祝之龍遂飛去燕山叢錄

乳山在縣東北三十里縣志

三臺山在縣東北九十里其山盤曲三層又東北二十
里爲大團亭山山北爲小團亭山皆縣境之險要也方

輿紀要

灤河又名灤江在縣東七十里源出塞外由潘口入南經灤州入海宋名郡為灤州以此縣志

灤河自縣北團亭砦流入內地東南入遷安縣境唐開元二年幽州帥薛訥出檀州擊契丹至灤水山峽中契丹伏兵遮其前後從山上擊之訥大敗即此地也方輿紀要

縣北有五甲河源自片石谷口流坡谷間數里始合沽河名勝志

鹽城在縣北唐守捉城也唐志出薊州雄武軍東北行百二十里至鹽城守捉又東北渡灤河或以為即漢滑鹽縣恐誤方輿紀要

遵化縣北四十里溫泉浴之愈疥守臣為鑿池受之覆

以鉅屋導其流折而左入東院以待仕宦復右折入西院以待騶從復南注為兩池以待行旅使男女異處皆石甃石欄浴者甚便燕山叢錄

湯泉在山坡下沸而四出萬曆五年戚大將軍繼光甃石為池深二丈方四尋覆以堂戶九新泉上有寺唐貞觀二年建名福泉寺俗呼湯泉寺湯泉如分寧臨川崇仁安寧寧州白崖德勝關浪穹宜良鄧州廬陵京山新田皆有其最著者驪山最潔者香谿最熱者遵化帝京景物畧

湯泉自平地湧出浴之可以愈疾上有福泉寺寺迤北即馬蘭峪長安客話

灤水出右北平後摩縣王莽之後麻也世謂之車輦水

東南流與溫泉水合水出北山溪即溫源也魏氏土地
 記曰徐無城東流溫湯即此也其水南流百步便伏流
 入于地下水盛則通注灑水又東南逕石門峽山高嶄
 絕壁立洞開俗謂之石門口漢中平四年漁陽張純反
 殺右北平太守劉政遼東太守陽紘中平五年中郎將
 孟溢率公孫瓚討純戰于石門大破之水經注
 張純與烏桓丘力居等入寇公孫瓚追擊戰于屬國石
 門大敗之後漢書

按後漢書靈帝本紀但云石門傳則云屬國石門明有
 兩石門公孫瓚戰地乃遼東屬國之石門也章懷太子
 注石門山在今營州柳城縣西南通典柳城有石門山
 非此漁陽之石門水經注誤爾北平古今記

石門鎮在薊州東六十里山峽嶄絕壁立于中洞開俗
 呼為石門口宋宣和五年遼蕭幹敗宋兵于石門鎮遂
 陷薊州寇掠燕城為郭藥師所敗幹走死今為石門鎮
 驛宣德三年征兀良哈自石門驛出喜峯口是也方輿
 紀要

明昌元年十阻鞞叛內族襄出屯北京會羣牧契丹德
 壽隨鎖等據信州叛眾號數十萬遠近震駭襄閑暇如
 平日人心乃安初襄之出鎮也至石門鎮密謂僚屬曰
 北部犯塞奚足慮第恐為人乘隙而動北京近地軍少
 當預為之備即遣官發上京等軍六千至是果得其用
金史本傳

石門峽有石將軍在峽西崖高三丈名勝志

儲囁石門詠石將軍詩精爽千年護石門晚風黃葉
亂山村時危暗灑英雄淚貌古全無斧鑿痕故壘夜
嘶惟石馬老兵秋醉只匏樽望夫多少山頭婦不似
將軍殿寒垣柴墟集

王衡游湯泉記石門兩山巖業道旁祠漢將軍張純
又二十里爲湯泉泉在山坡下初漫羨四溢戚將軍
繼光始甃石爲池池正壓九新堂深二丈許廣倍之
池之南穴而下水支委于墻外種荷花一渠淥淨可
挹又溝其北以石承之穿堂而出中堂爲簷除甃爲
小方塘以上受雨而下引泉客至則設版焉東則銅
龍張口噴泉甚怒迤行人浴池池之陰有竇蓄寒水
浴者時其溫涼之候而啟開之九新堂後有池如偃

月寒水所自出也緱山集

野狐山在城西北十七里下有澄潭土人遇旱禱于此
縣志

關山在縣西北五十里以山近邊關而名方輿紀要

豐臺嶺在馬蘭谷西去城七十里縣志

平谷縣在州城西北八十里明一統志

漢置平谷縣屬漁陽郡在今通州北晉廢今縣本唐漁
陽縣之大王鎮方輿紀要

平谷金大定二十七年以漁陽縣大王鎮陞金史

元至元三年并入漁陽縣十三年復置縣屬薊州今因
清類天文分野之書

平谷縣在盤山西故稱盤陰四周皆山中則平地因以

平谷名 長安志

平谷縣治舊無城永樂二年營州中屯衛自塞北徙入安置平谷野城始建焉是時草創未甃以磚成化丁亥始以磚石包砌高二丈五尺兵部尚書淳安商輅作記嘉靖壬子重修河南按察副使邑人王鏞作記嘉靖癸亥寇退乃撤舊城而新之增崇五尺四門各建以樓東曰挹盤西曰拱辰南曰迎洵北曰威遠翰林院編修蒲坂張四維作記 縣志

商輅平谷新城記平谷縣在薊州治西北八十里西連密雲占北口東接山海道經遼東北臨極邊諸山永樂初置營州中屯衛蓋重鎮也縣故有土城歲久頽圯巡撫都御史顧本謀諸總兵為壽參將劉輔疏

請于朝得允爰命衛指揮袁忠督軍夫增築之周

六百丈城外為塹沿塹植榆柳萬株經始于成化丁

亥四月訖工于明年二月 商文毅公集

縣治在東街洪武初建儒學在縣治南建于金增修于

元至正間有洵陽逸士納憐不花記 縣志

納憐不花明倫堂記元列聖相承百務俱興尤加意

者詔令國都州縣設立學校平谷薊郡之屬邑京師

之僻徑也已巳年監察御史鄭立建加號碑設學田

丙子歲主簿范恕教諭張貴協謀構明倫堂洎學官

居舍戊寅教諭胡從先鑄尊鼎飭邊豆九經史籍煥

然一新上供釋奠下資諸生講習此數君子創作于

前可謂能矣迨甲申劉元皓建學門屏增廣田畝古

故金國張侯建廟記以表首勦之功吁微元皓不能明數君子之功微數君子不能伸元皓之志可謂克其行所當為者予故書之匪特叙二三子之功抑以為來今之勸時至正七年丁亥三月丁巳也

營州中屯衛在縣治東永樂二年移建于此

方輿紀要

洵河在縣東南自薊州流入界又南入三河

同上

洵河源出口外入縣境之黃崖口廣漢川自東迤邐迤縣城西河流經三河縣北至寶坻縣入白龍江

方輿紀要

洵河在縣東南五里源出密雲縣石峩山流經縣境又西南流入三河縣界

方輿紀要

逆流河在縣東南八里一名小礮河源出縣南泉水山

西北流凡九十九曲而入洵河

同上

龍泉在縣東南十里文皇嘗駐蹕于此飲其水甘因錫以今名

名勝志

看花臺在城南五里逆流河之西相傳金章宗詵花於此遺阜尚存又有望馬臺在縣東二十里發箭臺在縣西北二十里皆章宗游獵處也

同上

臨泉寺在縣南八里遼建俗名高村寺

縣志

淨寧寺去縣八里在西鹿角庄金大定二十年建俗名鹿角寺

縣志

周村河在縣西十里源出口外流入洵河

方輿紀要

淨嚴寺在大新砦去縣八里遼天慶十年建

縣志

滑鹽廢縣在縣西北漢置屬漁陽郡後漢縣廢北魏時

有斛鹽戍孝昌三年安州石離穴城斛鹽三戍反應
上谷賊杜洛周洛周自松剛赴之石離穴城二戍蓋在
斛鹽戍西方輿紀要

大榆河又東南峽逕安州舊漁陽郡之滑鹽縣南于莽
更名匡德也漢明帝改曰鹽田世謂之斛鹽城西北去

禦巳鎮二百里水經注

滑鹽地宜五穀有鹽池之利括地志

石佛寺在縣北十里元至正二年建縣志

瑞屏山在縣北二十里連峯秀列如屏上有石臺下有

興隆寺元大德元年建明弘治中重修俗呼蕭家院同

慈福寺在縣東北十五里正統九年建邑人金純撰碑

同上

延祥觀在縣東北二十里北獨樂河莊初名元寶觀至
元開丘長春過此觀有枯栢樹之復榮有南塘老人張
天度爲作詩玉谿老人趙鑄爲作記盤陰雜志

趙鑄元寶觀栢記丁亥京東諸紳請長春真人醮

于田盤山之栖雲觀過平谷鉢于城東獨樂村元寶
觀中有栢枯瘁已久師歎曰可惜起而摩之明年春

其杪葉復生鬱茂如故見者奇之予一日托宿于州
之通元觀道人李志平示余南塘老人壻長春子活

死栢之詩所謂非異人不能成異事非異書不能表
異蹟也志平欲永其傳廼書其事于石縣志

張天度詩山村老翁鬢眉白根撥和雲移小栢殷勤

擁護數十年直幹亭亭高百尺明堂大厦構長村正
恐工師來選擇奈何亂世生不辰翻有饑民斧斤厄
半身寂寞被戕殘顏色枝條頓狼藉搗來枯槁已三
年不忍風摧并日炙長春仙子偶經過兩手摩沙言
可惜明年太歲在元枵秀葉參差如舊碧異事那負
時俗疑至人得道良不測

長安客語

獨樂水出北抱犢固南逕平谷縣故城東

水經注

馬莊河源出縣東北海子與縣東北獨樂河及五百溝
水俱合流入于洵河

方輿紀要

妙峯山在縣東北二十五里峯巒秀拔下有九沽泉

縣志

雞足山在縣東北三十里下有三泉寺金承安二年建

同

碣山在縣東北四十里峯巒峭峻林谷深邃有雙泉寺

金明昌中建

同上

城山在縣東北五十里四山高聳中平如城有石室止
容一人栖卧

同上

龍泉寺在盤山西去縣三十里元至正四年建今稱暗
谷寺

縣志

金花公主俗傳金章宗女也墓在縣東北三十里馬家
莊兩山相抱白崖口鑿石穴施四銅環棺木懸空引海
子水流入于內其深莫測至今捕魚者或見之

各勝志

夏謙澤在縣東北百餘里晉隆安初後燕慕容寶為拓
跋珪所迫自中山至薊盡徙府庫北趨龍城珪將石河

下書

卷三十二

三

頭時屯漁陽引兵追之及于夏謙澤為慕容會所敗胡氏曰澤去薊北二百餘里今縣東北有海子或以為卽故澤也 方輿紀要

縣有水峪寺龍家務莊舊為坼屯處 屯政考

平谷耕民得一釜水沃則沸飭炊則熟釜下有諸葛行

窩字碎之其複層中有水火二字 獅山掌錄

支彭平谷道中詩奉檄趨平谷西風送馬蹄秋深衰

柳變日落晚山低荒草平原合黃雲入望迷邊城烽

火息野老自提攜 支博士集

山下舊聞卷三十二

山下舊聞卷三十二補遺

京畿八

無終子翟國今薊之玉田漁陽卽其地 國名紀

無終山一名步陰山又名翁同山 隋圖經

北平陽公輦水作漿以給過者兼補履屨不取其直天

神化為書生問云何不種菜曰無菜種卽與數升公種

之化為白蠶餘皆為錢公得以娶婦 孝子傳

羅虬詩誰向深山識大仙勸人山下引春泉定知不

及紅兒貌枉却工夫溉玉田 比紅兒詩

唐幽州漁陽縣無終戍城內有百許家龍朔二年夏四

月戊城火災門樓及人家屋宇並為煨燼惟二精舍及

浮圖并佛龕上紙簾蘧蔭等但有佛像獨不延燎時人

見者莫不嗟異
 金世宗大定二十年正月以玉田縣行宮地偏林為細
 林大淀灤為長春淀有長春宮其殿曰芳明二十四年
 正月如長春宮春亦二十六年正月如長春宮春水二
 十七年正月如長春宮春水世宗既殂後主如春水改
 都南行宮為建春又改遂城行宮為光春而長春不書
 矣爾石叢譚

張寧晚發豐潤縣詩蕭蕭車馬度重岡回首都城意
 渺茫斜日下時人望遠孤雲飛處客思鄉黃茅矮屋
 山居小白草浮塵石路長星月滿天行未歇俯鞍還
 復候行裝奉使錄

崇禎戊辰二月薊鎮糧運不繼臺兵丁科周得勝等倡

亂各營推科為難首分五營而陳山喜峯路至白羊谷
 與臺兵為一營由太平路至漢兒莊與宣武營為一營
 由洪山口至潘家口與駐防營及臺兵為一營由羅文
 口合東遊營與神器營暨民壯為一營馬蘭路先立一
 營屯遵化城西三月六日俱至五里橋合一大營黃崖
 一軍最後亦來科乃主中軍十行一小帥振鐸秉枹十
 旌一大帥環甲拱稽為五花陣甲士數萬攻城予聞變
 單車詣其營呼亂兵諭之曰爾等為饑所迫至此吾不
 忍遽加誅當給三月糧速歸汝地軍中歡聲如雷各羅
 拜共設誓歸伍適京運至給諸軍然尚未拔砦十五日
 獲科等九名聞于朝得旨正法定譚兵畧
 遵化縣有般若寺元崇國寺碑陰

嘉靖元年正月遵化童子梅植昧爽入塾道經城隍廟前忽狂風起植以手掩面被風頃刻吹至三屯營蘆兒嶺久之乃蘇語人去家六十里矣家中驚懼有傳者至攜歸袖內詩經國風篇有神書殊字三行人不能辨植後爲貢士 碣石叢譚

景山舊有二名南爲明北爲陰高八里許其陰爲鹿兒嶺東爲三屯鎮城嘉靖元年總兵馬永建祠其巔以奉諸葛武侯及少保岳文兩公爲三忠祠取高山景行之義更名景忠山其下震湖湖中有宛在亭感都護元敬所修也北爲長壽祠元敬去鎮鎮人思之搏像于此祀焉 同上

石門驛在山坳壘石作小城民居二百餘家驛庭有古

槐四五樹 薊旋錄

馬錄玉田道中苦雨詩九夏無晴日那堪秋更陰樹邊山雨黑天際塞雲深歸鳥孤村夕征人萬里心驅馳成底事衰晚二毛侵 百愚集

道書之重者莫過于三皇文五岳真形圖至人秘此藏之石室幽隱之地帛仲理于山中得之自立壇委絹常畫一木而去也 抱朴子

宣和七年冬金人未渝盟也朝廷遣吏部員外郎傅公察迓賀正旦使人薊州玉田縣韓城鎮公至界上十二月二十七日凌晨幹萬不擁兵遽至執公責令投拜副使蔣噩以下皆羅拜公獨不屈金人以兵脅之公曰有死而已膝不可屈也因被害 靖康小雅

本朝與遼人文移在兩界對境謂之關報金人城遼我師於玉田縣築一州曰清州以對平州相與通使人之路清州有使臣賀允中副使武漢英適至而幹商不遣人邀使人觀打球二人知其犯盟拒之恐托事生釁故勉從之及至界則以是日舉兵矣允中被鎖漢英頗黠幹商不愛之常在左右謂此南朝第一降人也漢英本玉田縣巡檢差克副使

北征紀實

平谷縣修城記平谷古漁陽地北臨大漠城與海池所以爲防禦計者視內地爲急然介在四山中烽警視諸邊差少是以守土者易焉備禦日疎縣舊有城池歲久夷陋攀堞往來不異達道知縣事任居彬思與葺之值歲祲財訕未能也癸亥冬寇騎奄

至城下君率士民設方畧固守得免于危寇旣去君乃延縣之巨室閭長黨正喻以將有事城池爲扞禦永策衆驩然稱便於是諏日戒工城以丈計凡周六百五十撤而修之者過半舊崇二丈二尺增築五尺又於城四門各樹以樓扁其東曰挹盤西曰拱辰南曰迎洵北曰威遠城隅增舖舍四又濬其隍丈餘沿塹悉植以柳當四門之衝置便橋焉經始于甲子閏二月竣于是歲六月凡五閱月而工成

條麓堂集

遵化縣工部分司在縣東六十里鐵廠中永樂間俱以各衛指揮領其事宣德末始委虞衡司官董之

明各臣

經濟錄

日下舊聞卷三十三

京畿九

昌平州上

昌平州在府北九十里

明一統志

昌平本漢舊縣屬上谷郡

方輿紀要

漢齊悼惠王子卬以昌平侯立為膠西王縣名始見于

此

昌平山水記

莽曰長昌

漢書注

光武時寇恂至昌平，襲殺邯鄲使者，奪其軍，耿弇走昌

平，就其父况，盧芳入朝，南及昌平，魏文帝拜牽招使持

節，護鮮卑校尉屯昌平，章懷太子注漢故城在今幽州

昌平縣東南

昌平山水記

薊城東北一百四十里有昌平城，城西有昌平河

魏氏

日下舊聞

卷三十三

一

昌平山水記
昌平縣志
昌平縣志

土地記

晉仍為昌平縣屬燕國後魏廢入軍都縣屬燕郡 方輿

紀要

軍都縣有昌平城 魏書地形志

按漢設軍都居庸昌平三縣俱屬上谷郡後漢以昌平軍都屬廣陽郡晉以昌平軍都屬燕國而居庸仍屬上谷不改昌平本漢置至後魏始廢入軍都乃諸地志皆云本漢軍都縣而不及昌平且云後魏改為昌平魏復漢舊名耳非改也惟方輿紀要不謬

魏太和中分恒州東部置燕州治昌平尋又置昌平郡東魏為東燕州及昌平郡北齊因之 方輿紀要

易荆水東逕薊城又東逕平昌縣故城南又謂之昌平水 水經注

後周州郡並廢後又置平昌郡隋開皇初郡廢又省萬年縣入焉 隋書注

大業初昌平縣屬涿郡唐屬幽州 方輿紀要

五代唐同光二年改燕平縣 清類天文分野之書

按五代會要改幽州北平縣為燕平縣在長興三年八月

縣徙治曹村又徙于白浮圖城在今州西八里 方輿紀要

石晉復昌平舊名割地略遼 清類天文分野之書

遼屬析津府 方輿紀要

金得地以遺宋宋宣和五年為燕山府屬七年復入金
清類天文分野之書

金屬大興府元屬大都路明初屬北平府永樂中屬順
天府方輿紀要

今昌平州故永安城也正統中調長獻景三陵衛于中
東西三山口及東西二營地方駐劄以護陵寢及土木
之難明年景泰元年於昌平縣之東八里築城徙衛于
內名曰永安三年并昌平縣徙焉今之東西二門及城
中大橋故南門遺蹟也其後續設陵衛益多乃於城南
復築一城連之今之南門是也乃去舊城南面甃石而
合為一周一十里二十四步州治在舊城內大街西先
為順天府昌平縣正德元年南京吏部尚書林瀚言陵

寢所在歲三大祭欽遣百官陪祀及帝后忌辰歲暮止
且並遣駙馬諸陵縣小民貧供億煩苦請改為州以密
雲順義懷柔三縣隸之助其力役凡有科派差徭及養
馬之類悉皆優免從之未幾復降為縣八年縣丞張懷
復奏始定為州以三縣屬焉昌平山水記

昌平升為州議自林文安瀚始其戶部分司舊駐京歲
一巡視而已正德中始開署昌平見林文記國史唯疑

州城有門三其南曰永安新城門一曰小南門二城皆
內土外甃崇禎九年兵部侍郎張元佐拆舊城大南門
墻補修東城門樓城正中有譙樓天順三年所建州治
在城西偏學宮景泰三年自舊縣徙今治天順三年成
昌平州志

馬房輝重修昌平縣儒學碑記學校古今之急務興則治安廢則亂亡必然之理也洪惟聖朝以經術治天下先德後刑本末具舉而條約悉備自監學而下路府郡邑咸設教官以育人材厚風化復慮有司奉行未至失於勉勵或至墮弛於是內則御史外則訪司恒加嚴督焉達魯花赤田廝公唐兀人也至元再元之五年出監昌平下車之後課農講學興利除害奉上御下咸得其宜不數月而政平訟理歌誦之聲溢於閭閻至正二年正月既望率僚佐祭于大成至聖文宣王廟禮行畢歷學左右顧盼闕壞未完之所蕭然有動於心捐已貲一千五百餘緡迺市材木募匠傭不歛於官不動於民皆出於公之規度咄嗟而

事已辦自肇作底訖工為日二十有八於圯壤者復闕者備煥然一新而人爭快視矣

劉諫議祠在舊縣東景泰三年祠志絲徙建于儒學內

歲春秋上丁致祭州志

元泰定二年五月置諫議書院于昌平祀唐劉蕡元史

康里夔夔請褒贈唐劉蕡以旌正直帝從其請元史本

傳

元建劉諫議祠許叅政有正為之記長安客話

諫議書院元設山長主之明一統志

劉蕡字去華昌平人太和二年舉賢良方正對策指斥宦官遂不第令狐楚在興元牛僧孺在襄陽皆辟為從事待如師友授秘書郎為宦官所嫉誣以罪貶柳州司

戶參軍卒昭宗時贈右諫議大夫元大定初以昌平驛
宮宮禩奏請始爲立祠祠本在舊縣縣徙祠亦徙焉在
大成門之西程學士敏政詩云新祠門對項池灣是也
昌平山水記

劉蕡楊嗣復門生也唐登科記寶曆三年楊嗣復下三
十五人裴休等時蕡第十九賦齊魯會于夾谷賦晦日
與同志昆明池泛舟詩及第策直言中官嫉怒仇士良
謂嗣復曰奈何以國家科第放此風漢耶嗣復懼曰昔
與蕡及第時猶未風耳玉泉子

羅衮請褒贈劉蕡疏畧竊見故秘書郎責授柳州司
戶臣劉蕡當太和年對直言策是時宦官方熾朝政
已侵人誰敢言蕡獨指斥遂遭退黜實負冤欺其後

竟陷侵誣終罹譴逐沉淪絕世六十餘年前歲東內
幽辱西州播遷陛下德勝妖孽義感勳賢克返塵纒
再安寶位向使蕡策得用蕡才得施則杜漸防萌尋
消逆節豈殷憂多難遠及聖躬以此追惟誠堪軫悼
乞宣付中書門下顯加褒贈不獨慰九泉之骨庶亦

勵四海之心

文苑英華

李商隱哭劉司戶詩有美扶皇運無誰薦直言已爲
秦逐客復作楚冤魂溢浦應分派荆江有會源并將
添恨淚一灑問乾坤玉齋生詩集

黃潛題劉諫議祠作劉君古遺直祠堂在丘園嗟此
豪傑窟文雄歛孤騫平生二三策匪微明主恩瑣瑣
譚失得無乃市井言黃文獻公集

吳師道劉諫議祠下作李唐祚中微刑臣執其柄賢
良衰然來一策駭羣聽事幾戒不密昌言毋乃病吾
職非近臣陳義固當正為時吐忠憤誓不顧軀命同
游雖厚顏得失非所競滔滔狗世學胡不愧元聖鄉
閭闢祠宇名教係邦政居庸峭摩天過者竦深敬

禮部集

程敏政詩老樹陰森護廟門尚疑生氣塞乾坤衣冠
死愧千年策俎豆公宜百世尊晏歲牛羊山下冢東
風桑梓道傍村匡時不盡平生恨白日悠悠逝水奔

皇墩集

王鏊詩荒灣野木古城隅何處昌平是舊廬氣帶幽
并多感慨策如晁董亦迂踈同時下第誰云屈此外

求言總是虛不盡懷賢千古意執鞭無路欲何如

文恪公集

陸深詩諫議千年尚有祠唐宮禾黍久離離多情瘦
馬衝寒到無數青山落照遲往事空傳臺下駿靈風
常滿廟前旗冰霜入夜頻搔首欲奠芳椒侑楚辭

山集

林春澤詩志士惜流落故山還有祠名高下第日心
苦上書時一點歸何晚羣姦死已遲豈知朝代別輝
涕誦君詞

人瑞翁集

鄭善夫詩自昔悲歌地劉生有墓祠祇餘經世志况
值諱言時去國英雄盡還山事業遲黃金舊臺北搔
首動遐思

小谷集

黃佐劉蕡祠詩諫議祠堂在栖栖託泮林雨垣春蘇
合風物暮蟬吟溢浦天何遠沙河水自深獸爐浮勁
氣虬箭遞徽音社稷誰能奠經綸獨爾任毀方難入
穀踰古合投簪桑海時應變桃源路可尋炎荒終棄
置幕府始浮沉官府分南北興亡共古今吐言扶白
日回首破層陰牢落千年夢淒清此夜心停鑣休遠
躅呼酒滌煩襟宿鳥喧雲堞飛鴻掠月岑廣陵有餘
恨非直雍門琴 泰泉集

許成名詩泮宮留俎豆城郭隱山川落日春林外荒

祠古樹邊青蘋還獨薦直道更誰憐感慨悲前事臨

風一愴然 龍石集

嚴嵩詩瀛館虛塵榻香燈伴古祠衣冠秋祀到風節

里賢思堂近棲鸞樹泉分采藻池俊僚來袞袞仍續

舊題詩

鈴山堂集

何御詩北州劉諫議廟貌尚如初俎豆春秋日江山
涕淚餘遺踪問故老往事見唐書千載傷君意龍蛇

自卷舒

白湖集

駱文盛宿昌平劉諫議祠詩諫議祠堂日已頽入門
蕭瑟但蒿萊英風祇自懷千古行潦那能奠一杯人
靜麗甍啼夜雨月明風露冷秋槐更餘不盡徘徊意
手摸殘碑思轉哀 兩谿集

瑞光寺在州治後成化十年勅建

州志

榆河驛初設于榆河嘉靖中改附州城

昌平山水記

蓮塘在州治南三里八蜡廟前東西二水相環俗呼兩

水河傍植榆柳地多秔稻若水鄉焉州志

沙河北店距州二十五里南店距州二十七里同上

沙河店南有水出昌平州西南五十里龍泉寺合西山

諸泉身流為南沙河有橋曰安濟店北有水出昌平州

西南四家莊逕雙塔村東流為北沙河有橋曰朝宗二

橋皆正統十二年命工部右侍郎王永壽建二水至店

東南竇家莊而合又東南至通州界入白河昌平山水記

吳寬渡沙河作橋下流漸玉一灣十年重此照衰顏

踈林小店行厨設落日平原獵騎還葦柱雨連多白

草居庸北界盡蒼山天寒喜報王師轉驛路無塵羽

檄聞鮑翁家藏集

許穀沙河道中和汝湖韻五渠春水接天河玉輦經

游紫氣多夾路羽儀交日馭行宮仙樂動雲和飛魚

口外龍旂轉洗馬橋邊豹尾過獨羨上卿遙扈蹕詩

成傳出鳳凰坡石城集

嘉靖十六年三月上駐蹕沙河視文皇帝行宮遺址禮

部尚書嚴嵩因言沙河為聖駕展視陵寢之路南北道

里適均我文皇肇建山陵之日即建行宮於茲正統時

為水所壞今遺址尚存誠宜修復而不容緩者且居庸

白羊近在西北若鼎建行宮于中環以城池設官戍守

寧獨車駕駐蹕為便而封守慎固南護神京北衛陵寢

東可以蔽密雲之衝西可以扼居庸之險聯絡控制居

然增一北門重鎮矣上是其議命即日興工世宗實錄

嚴嵩聖駕朝陵歌沙河士馬若雲屯萬姓環門識至尊
尊青天突起迎鑾殿此地今為駐蹕村 鈴山堂集

夏言詩百年不覩朝陵駕父老懽呼識漢儀春日沙

河河上水千村花柳映龍旂 陵祀護蹕錄

嘉靖十七年十一月勅兵部左侍郎樊繼祖沙河駐蹕之所宜有城池其往相度乃同巡撫戴金陸鈞巡按胡守中王應兵備副使潘鑑橫直量度通一千一百五十五丈八尺其城垣四面量度停中惟南北二門乃鑿與出入之處各開三門中門視左右為大南北二樓北東西亦加偉其城外濬池約離城六丈五尺濶二丈深一丈以嘉靖十八年正月興工既竣得旨城門南名扶京北名展恩東名鎮遼西名威漠 建築疏稿

鞏華城四券門如午門之制 經世華要

威元佐鞏華城卽事詩鞏華晴散紫宸朝曉度春風

威漠橋 世宗所題橋名 花映前矛仙畢引日臨左纛

玉驄驂山迴御氣雲中轉爐裊天香仗外飄六尚才

人都後乘綵霞深處擁笙韶 青藜館集

王維楨鞏華城陟眺作沙城粉堞喜初凭壯接神京

亦股肱地湧雲霞圍御宿峯懸松栢認皇陵青青禁

近春苔合宛宛靈山紫氣凝盡說經營勞睿思羣丁

莫自論微能 槐野集

林垠沙河行宮詩宮殿連雲起城樓入漢低寒鴉如

望幸朝夕自悲啼 野橋集

隆慶六年薊遼總督侍郎劉應節順天巡撫都御史楊

兆議於鞏華城外安濟橋起至通州渡口止疏通一河
長可一百四十五里以運諸陵官軍餉發軍卒三千人
治之 水部備考

萬曆元年二月命昌平戶備僉事張廷弼疏濬鞏華城
外河聽民徙鞏華城居住即以輸官地價建修城隍廟
神宗實錄

流沙寺在鞏華城北門外元皇慶年建 州志

元福觀在州治南四十里 同上

元福宮弘治十七年建俗呼為廻龍觀 昌平山水記

楊巍宿回龍觀詩沙際開瑤館樂與幾度過日廻雙
闕迴雲傍九陵多承露空仙掌沿堦白綠蘿夜深清
吹發猶憶舊 夢山集

唐家嶺店在州南四十五里 州志

車駕北征徐行則次唐家嶺疾行則一日而至榆林永

樂二十二年四月二親征駐蹕唐家嶺以四日至居庸

關宣德九年九月上巡邊駐蹕唐家嶺正統十四年七

月上親征駐蹕唐家嶺以次日至龍虎臺 昌平山水記

白浮山在州東南十里上有二龍潭潭上有龍神祠 明

統志

白浮龍潭水流經白浮村元郭守敬築堰引水使西會

馬眼等諸泉折而南流入于潞河以便漕運堰即以白

浮名 長安客語

白浮泉水在昌平縣界西折而南經甕山泊自西水門

入都城焉 元史河渠志

郭守敬奉詔興水利上自昌平縣白浮村引神山泉西折而南過雙塔榆河一畝玉泉諸水經甕山泊至西水門入都城按神山白浮皆在州之東南地勢西高東下守敬乃能引之而西是不可曉昌平山水記

大德十一年三月都水監言白浮甕山河隄崩三十餘里宜編荆笆為水口以泄水勢計修笆口十一處四月

興工十月畢元史河渠志

皇慶元年正月都水監言白浮甕山隄多低薄崩陷宜修治來春二月入役八月修完長三十七里一百一十五步同上

延祐元年四月都水監言自白浮甕山下至廣源隄隄堰多淤澱淺塞源泉微細不能通流由是會計工程差

軍千人疏治同上

泰定四年八月發衛軍八千修白浮甕山河隄元史泰定帝紀

燕帖木兒退師于白浮南敵軍復合鑿戰于白浮之野元史本傳

至正十四年四月命各衛軍人修白浮甕山等處隄堰元史河渠志

湯山在州東南三十里有溫泉可浴水經注濕水又東溫泉水注之疑即此也昌平山水記

聖湯一在昌平北二十五里一在昌平南三十五里湯山有寺元混一方輿勝覽

太平莊在州東南二十五里州志

元延祐二年遷紅城屯軍于古北口太平莊屯種七年十二月罷太平莊屯田復于紅城周廻立屯元史

初以永清等處田畝低下遷昌平縣之太平莊泰定三年五月以太平莊乃世祖經行之地營盤所在春秋往來牧放衛士頭匹不宜與漢軍立屯遂罷之止於舊立屯所耕作如故同上

沮陽故城在東南四十里州志

津水西逕沮陽縣故城北秦始皇上谷郡治此王莽改郡曰朔調縣曰沮陰水經注

大口村在州東南五十五里州志

元天曆二年五月丁丑帝發京師北迎明宗皇帝戊寅次于大口元史文宗紀

松 在昌平州東門外延袤里許皆松檜無一雜樹以備變樹缺移栽也二百年來禁人樵采遂成大林燕都游覽志

無名氏詩鬱鬱松千樹青青閱歲時人間不敢採留作萬年枝昌平舊志

東山口村在州城東七里州志

東山口內一里水中有小山曰平臺山成祖嘗駐蹕焉嘉靖十五年上命作亭于上名曰聖蹟十七年四月上幸平臺山祀成祖文皇帝于亭中亭圍以白石為欄盤旋數十級而上御題聖蹟二字當日一小山曰影山口內北三里有蟒山昌平水記

萬曆十一年閏月上詣牆子嶺潭谷嶺勒草窠相擇壽

宮至東山口登聖蹟亭

神宗實錄

皇甫湜平臺山扈從詩昔駐文皇輦歡傳萬壽杯誰

言紫霄上重見翠華來曉樹峯巒合春花棟宇開勝

圖臨塞壤嘉績改平臺豫蹕承雲轉靈旂繞澗廻捫

天叨法從遊聖愧仙才

少元集

繇山在州東十五里或名宜山元混一方輿勝覽載有

繇山寺金真定周昂題詩其上有云野澗羣山驚破碎

雲低滄海認微茫亦警句也

芹城小志

桃林村在州城東三十里有法林寺元至正年建

州志

芹城在州東三十里有橋橋下有水出芹城北南流入

于沙河

昌平山水記

濕餘水東南流左合芹城水水出北山南逕芹城又東

南流注濕餘水

水經注

萬年城在州西南東魏天平中置萬年縣屬平昌郡隋

開皇初廢入昌平

方輿紀要

一畝泉在州西南十五里東會沙河經陽山山高粱有

至張家灣

州志

紅橋在州治西南十五里

同上

燕鐵水兒與王禪軍遇于榆河北奮擊敗之追至紅橋

北因據紅橋兩軍阻水而陣

元史本傳

至順二年四月詔建燕帖木兒生祠于紅橋南樹碑以

記其勲五月次紅橋臨視燕

戡木記

元史文宗紀

州西南十二里有紅橋橋亡而名尚存元文宗為燕帖

木兒建祠立碑處也

昌平山水記

官河在州西南二十里源出一畝泉分為二流一曰官
河流入宛平縣入高粱河一曰雙塔河在州西南三十
里經雙塔店入榆河方輿紀要

雙塔河源出昌平縣孟村一畝泉經雙塔店而東至豐
善村入榆河元史河渠志

至元元年二月發北京都元帥阿海所領軍疏雙塔漕
渠元史世祖紀

至元三年四月巡河官言雙塔河時將泛溢不早為備
恐至潰決臨期卒難措手乃計會閉水口工勿開申都

水監差夫修治凡合閉水口五處元史河渠志
皇后店在州西南三十里元至正二十四年孛羅帖木
兒遣其黨秃堅帖木兒犯闕入居庸太子遣兵逆戰

皇后店即此也方輿紀要

榆河源出州西南四十里月兒灣下流為沙河經順義
會白河州志

榆河一名濕餘河或名温榆河盖濕餘之譌也方輿紀
要

濕餘水出上谷居庸關東又東流過軍都縣南水經注
水南流出關謂之下口水流潛伏十許里重源潛發積
而為潭謂之濕餘潭水經注

按後漢書王霸為上谷太守陳委輸可從温
水漕以省陸轉輸之勞事皆施行章懷太子

注引水經注本作温餘水遼史順州有温渝
河金更懷柔縣為温陽豈盡無據又昌平多

溫泉有流入雙塔河者溫餘之名竊疑因此
水經注既無善本今人習見坊刻遂指溫字
爲濕字之譌正恐類昔人所云以不悖爲悖
也

州西八里爲昌平舊縣今居民不滿百家而唐狄梁公
祠香火特盛歲四月朔賽會二三百里內人至者肩摩
踵接考之唐書突厥陷趙定縱掠而歸公爲行軍副元
帥獨以兵追之又爲河北安撫大使意其嘗至此也有
碑一元大德四年集賢學士宋渤撰文昌平山水記
狄梁公祠建自唐元德間重建正統間修之其碑云
梁公爲昌平縣令有媼子死于虎媼訴公公爲文檄神
翌日虎伏階下公拜告于衆殺之土人思公德立祠也

帝京景物畧

昌平縣北有狄梁公祠元大德中重建學士宋渤記之
穹碑尚存廟中常有光怪每歲二月二日南山北山之
人皆來作社前數日夜碑上卽有火光遠而望之碑字
皆見近視之卽滅馮氏日抄

宋渤重修狄梁公祠記昌平縣治在燕山南麓邑北
門外舊有唐狄梁公廢祠不知始建何代大德三年
縣尹遼陽王君敬率同事葺之凡再闢月祠之內外
皆完好具其事來謁予於圖史府曰祠成當識竊謂
傳有之能捍大患能禦大菑者咸載祠典狄公於唐
社稷忠格悍后力爭廢主能以孤身當橫流中毅
然不見一言極難事耳史稱寧州爲勒石頌德彭澤

爲立生祠魏州復有生祠皆其所常臨治恩信及人
既去而猶思之者也今昌平於傳未嘗作邑而祠之
何與按萬歲通天中罷魏州時嘗轉幽州都督中宗
反正自右肅政御史大夫改河北道行軍元帥其罷
修城守具論發兵戍䟽勒非是請曲赦河北脅從民
人蓋獲免者數千萬計皆當時施行其有大恩德於
燕趙豈直昌平哉吾嘗往來上谷漁陽古鎮戍中往
往有公祠宇蓋敦實之精惠義之著其被覆冒之境
感而不忘相率祠之無疑也

狄公祠南道上立二石幢鐫梵語字法頗類李北海唐
貞觀中物也過西廢寺有二幢元奘手書帝京景物畧
舊縣大街東有佛頂尊勝陀羅尼幢一劉賓沙門佛陀

波利奉詔譯大街西有無礙大悲心陀羅尼幢一開元
國師三藏沙門不空奉詔書州志

按不空開元時僧徐浩爲之書碑者也帝京
景物畧因三載字遂指爲貞觀中元奘書誤
矣

黃潛昌平縣石橋記由都城北抵上京其驛十有二
而昌平之爲縣當其第一驛谿水逕闌闌中橫絕通
衢霖潦暴至則水湍悍益甚人莫利涉縣尹畢侯以
爲昌平今畿縣大駕時巡次舍在焉凡侍從之臣宿
衛之士與夫外頒教令內奉職貢使客傳遞之往來
率由乎是爲長吏者曷敢弗謹廼規貨食募匠備揆
日之吉架石爲橋其修六十尺而其廣得修四之一

自始作至訖功爲日若干車者無濟盈徒者無厲深而民不知有役咸相與誦美之掌其驛事考宮君具持父老之言來諭曰吾畢侯之爲人素慎重雖居劇縣善操簡以御煩見謂材敏然以廉平不苛民樂其業田里安於事用能以暇日致力於茲橋願有紀而附見其治行之槩勒諸岸左以貽永久古者列國有
四鄰賓客之交入其境而門關達路廬館川梁修除之不時猶或譏其失政矧今百里之郊警蹕所臨有能勤其官敬其事而不忘乎嚴飭其備如此可謂無失政矣豈徒一時興作之功有足稱道哉庸弗辭而爲之書善觀政者有考於斯則它治有固可推而知也畢侯名文質濟南士族其出宰也由翊正掾外補

云黃文獻公集

虎眼泉在州西八里舊城下

方輿紀要

常景遣別將及杜維周于州西虎眼泉

魏書

七度水在昌平界接虎眼泉

太平寰宇記

過沙河二十里至新井菴有松林陰一畝西數里柳林

中有臺曰景梁臺土人立以思狄梁公也

帝京景物畧

臺初名慕狄正德間戶部分司林應驄所建也隆慶中

改景梁

州志

昭聖寺在州西北唐乾符六年建明正統十三年奉勅

重修寺有廣大圓滿大悲心陀羅尼幢一開元中三藏

沙門不空奉詔譯劉詒書

州志

舊縣西十里爲龍虎臺地勢高平如臺廣二里袤三里

元時車駕巡幸上都往來皆駐蹕其上 昌平山水記

龍虎臺去京師百里在居庸關之南背山面水車駕歲幸上都往還駐蹕之地 誠意伯文集

至元十九年八月駐蹕龍虎臺 元史本紀

至元二十七年地震帝駐蹕龍虎臺召集賢翰林兩院官詢致災之由 元史列傳

寺木魯翀除僉太禧宗禋院迎駕至龍虎臺帝問子暈來何緩太禧院使阿榮對曰翀體豐肥不任乘馬從水道來是以緩耳 元史本傳

文宗駐蹕龍虎臺馬祖常應制賦詩尤被嘆賞謂中原碩儒唯祖常云 元史本傳

擴廓帖木兒遣部將白鎖住以萬騎衛京師駐于龍虎

臺與李羅帖木兒戰 元史本傳

贈忠博極羣籍泰定三年詔以道逸徵至上都見帝于龍虎臺眷遇優渥 元史本傳

元統初陳顥扈蹕行幸上都至龍虎臺帝命造膝前而握其手曰卿累朝老臣更事多矣凡議政事宜極言無

隱顥頓首謝 元史本傳

永樂八年二月車駕次龍虎臺遣行在太常寺少卿朱焯祭居庸山川二十年九月車駕次龍虎臺饗隨駕將

校二十一年十一月車駕次龍虎臺賜文武大臣及忠勇王金忠宴 成祖實錄

宣德五年十月車駕次龍虎臺召英國公張輔等至幄中問郊外民事賜酒饌 宣宗實錄

乎歌曰瞻層臺聿穹隆兮肇基太始垂無窮兮爰考
休徵熙淳風兮於昭靈臺與俱崇兮 文翰類選
劉基龍虎臺賦猗歟太行之山呀雲豁霧結元氣而
左蟠於赫龍虎之臺摩乾軋坤魁羣山而獨尊其背
崔嵬突聳森岡巒而拱衛其勢則昆崙駁馱仰星辰
之可捫白虎敦圉而踞峙蒼龍蜿蜒而屈盤狀昂首
以奮角恍飈興而雲屯其北望則居庸巖嶂煙光翠
結攢峯列戟斷崖立鐵駿鳥飛而不度古木樛以相
掣其下視則漲海沖瀾飛波洗空風帆浪舶往來莫
窮想瀛洲之密邇睇三山之可通彼呼雁戲馬適足
彰其陋而眺蟾望屋曷足逞其雄豈若茲臺之不事
乎版築而靡勞乎上功也思其嶽嶷倚儀曼衍迤邐

形高勢平背山面水巨靈獻其幽秘歸邪護其光晷
何嵩華之足吞豈岱宗之可擬此所以通孔道于上
都揭神京之外壘匪松喬之敢登羗乘輿之攸止也
至若四黃旣駕鹵簿旣齊方玉車之萬乘蔚翠華之
萋萋載雲罕與九游光彩紛乎虹霓山祇執警以廣
道屏號灑雨以清埃朝發軔于清都夕駐蹕于斯臺
明四目以遐覽沛仁澤于九域眇軒轅之梁甫屑神
禹之會稽雄千古之盛典又何數于方壺與蓬萊慨
愚生之多幸際希世之聖明雖未獲覩斯臺之壯觀
敢不慕乎頌聲遂作頌曰傑彼神臺在京之郊金城
內阻靈關外包上倚天倪下鎮地軸太行為臂滄海
爲腹崇臺峩峩虎以踞之羣山龍從龍以翼之於鑠

帝德與臺無窮於隆神臺與天斯同崇臺有偉鸞駕
爰止天子萬年以介遐祉

誠意伯文集

馬祖常龍虎臺應制詩龍虎臺高秋氣多翠華來日
似鸞坡天將山海爲城塹人倚雲霞作綺羅周穆故
慚黃竹賦漢高空奏大風歌西京巡省非行幸要使
蒼生樂至和

石田集

周伯琦龍虎臺詩巍巍百尺臺蕩蕩昌平原隆隆鎮
天府奕奕環星垣居庸亘北紀奧區歛全燕蒼龍左
蟠拏白虎右踞蹲斯名豈易得天以遺吾元明明傳
正統聖子及神孫巡歸遂駐蹕衣冠照乾坤山川皆
改容草木亦被恩章華民力竭柏梁侈心存豈若因
自然張設一旦昏雄偉國勢重簡儉邦本

攷年年舉

成典宮中奏雲門

近光集

金幼孜隨駕宿龍虎臺作軍都邑廢已無城龍虎亭
空尚有名山繞平原州樹綠天連碧海暮潮平清宵
宿衛聞笳響拂曙趨朝聽鼓聲傳道乘輿催早發中
軍先已抗前旌

金文靖公集

紅澗溝在龍虎臺西一十二里

州志

積粟山在州西北十五里相傳元時積粟于此

同上

駐蹕山在州西二十五里其山長而北袤凡二十里石
皆壁立高可一丈其頂皆白山之南有棲雲嘯臺高二
丈許正北有石梯可上金章宗建亭於此舊傳山下有
石床石釜今亡

昌平山水記

山巖下有仙人碁碁枰碁子皆具子但可移不可得而

上方寺在駐蹕山上有十八盤寺南為仙人陀同上

仙人池在駐蹕山下傳有仙人浴此同上

玉斗潭距百望山十二里腐草菴之深不可測傳有兩

牛鬪陷于潭無迹又北十里為灌石駐蹕山在焉西望

白虎踞深若天井山上有臺名栖雲金章宗嘗游此擊

毬山下石床石釜俱存蘇正集

神嶺峯在灌石村西北金章宗游此以所飲酪漿灑于

石壁之上至今猶白西南有寒崖多奇花異草州志

唐太尉朱懷珪墓在州城西北十五里積粟山下碑文

為元載撰李融書同上

吳師道覽朱懷珪碑詩昌平官道傍卧碑何壯偉有

唐營府督懷珪姓朱氏盧龍昔強藩巨孽所根柢爾

嗣泚與滔逆氣粵有始耽耽元相國肆筆方述紀寧

知兩月後口襪不貸爾千載托斯人遺臭同一軌荒

墳葬無迹石獸相撐倚雙螭已挿地文字未殘毀徒

令行路者喑喑嗟僭侈聖賢樹功德金石無溢美末

世乃濟姦事定有公是奈何極穹崇來者紛未已留

此懲不忠并以愧誦子吳禮部集

中山口北一里有仙人洞洞在山麓可容二百人洞口

向東從石梯而下石皆倒垂下為平地洞西壁有一門

近門上有石鐘下懸長數尺門之內少人轉而南見有

石罅如夾道深黑人不敢入昌平山水記

仙人洞在紅門內東山腰去碑樓三里躡磴而上洞口

僅容一人僂而入內若大廈日色下燭石皆倒垂

燕都

游覽志

無名氏詩石洞窅且深花落無人掃仙翁去不還何

處尋瑤草

昌平舊志

駐蹕山之西曰虎谷其傍土岡一丘名小金山日亭午

人過岡下有光射衣若金色然

長安客話

西山口西四里有虎谷山又三里有大虎谷山

昌平山

水記

無名氏虎谷詩虎谷名金山客行初未識日垂山下

過人衣黃金色

昌平舊志

虎眼川在虎谷山下幢幢水所出也

州志

水流如瀑布三四里至鵝鴿巖隱而不見或謂舊縣西

北虎眼泉見其水復出也

燕都游覽志

吳師道虎峪淙淙泉作居庸古塞口諸峯並嵯峨左
轉萬栗林黃葉墮殘柯路出草棘間石溝洑微波黃
塵歛騰起知有飲馬駝前趨俯絕壑素礫漫坡陀窮
秋水脈絕泓渟不盈科無復聲淙淙虛名誤來過下
馬少徘徊土屋依巖阿野老向我言深入水木多前
年邑中人來此逃干戈委蛇數十里監險無誰向桃
源志樂土商山有遺歌誰知戰爭場咫尺隔網羅欲
游苦匆匆斜陽下前坡

吳禮部集

按吳禮部正傳所詠淙淙泉當即今之幢幢
水也

溝溝厓深山疊嶂秀石緣空三十餘里悉履石攀葛始

日下書

卷三十三

三

達山巔清流繚繞奇樹揚芬傍有蘭石數區 薊丘集
昭陵之北曰响响崖崖下有菴曰瑞峯一曰摩尼 帝京
景物畧

响响崖在州治西北德勝口內崖西峯有水月亭 州志
德勝口西三里有溝溝巖巖分上中下望之若石梯深
險可避兵 昌平山水記

德勝口南兩山相夾人行礮礮中數十步輒一折數里
外見崖旁鴨脚樹二羅漢松一近而知爲瑞峯菴也又
里許陟一嶺徑仄多亂石前人舉踵石袞袞觸後人足
嶺之巔爲崖折旋半里有岫峰菴俗云盤道菴中有泉
鴨脚一本可休息復三折而下溝始寬分爲二泉涓涓
流甚清駛山麓遮其左若無路然再折過一溝始望見

三峰矣中峰位乎乾東峰位乎艮西峰位乎坤三峰左
右環換爲峰者二十有二所謂仙人玉女將軍步虛玻
璃五雲金華紫極皆以意名者也 八從磴道 十餘折
至東 菴 再折而上爲中峰有玉虛觀從中峰下有西
王母祠祠後石壁高三十仞石理猶惡壁右有方池流
入巖下爲瀑自中峰緣崖而西爲西峰菴菴右有泉
引之入香積泉右有方亭敞潔可坐瑞峰菴有大學士
趙志臯碑記岫峰菴有右通政李琦碑中峰菴有禮部
郎中馮元颺碑西峰菴有大學士王錫爵禮部左侍郎
翁正春二碑碑文皆稱溝溝崖爾雅水注谷爲溝以之
再名夫豈不古而帝京景物畧妄以响响易之何哉 蕭
錄

溝溝崖勝國梵宇縣亘凡七十有二入明僅存其五西
峯者五菴之一也翁文簡公集

公隴溝溝崖詩橋山西北寺一谷隱千峯曲折雲屏
掩高低棧閣重傳觴猿飲澗倚蓋鶴巢松小憇聽泉

八東巖已暮鐘 問次齋稿

九龍池方廣十丈重垣護之覆以黃甃石琢九龍張額
歎沫入池泠然有聲夾池植桃柳稍東爲月關洩水不
流出關爲小渠過石梁入山下田望敏集

九龍池在昭陵西南於山崖下鑿石爲龍頭泉出其吻
瀦而爲池上有粹澤亭中一間旁各三間門三道東向
繚以周垣爲車駕謁陵事畢臨幸之所嘉靖十五年世

宗勅建昌平山水記

九龍池在紅門西翠屏山下逼近昭陵泉出九穴穴鑿
石爲龍吻瀦水爲池燕都游覽志

康陵神宮監太監劉不嘉靖元年六月奏請天壽山空
地并九龍池園栽蔬果以備四時供獻命戶部給
之世宗實錄

趙欽游九龍池詩乘春趨帝寢轉壑向龍池塢曲鶯
啼緩松深馬度遲紅泉流玉液丹砌擁金枝日暮煙
雲合嵐光逐望移無聞堂稿

王廷幹九龍池詩龍門開碧苑池色映丹丘芳樹緣
堦轉清泉入戶流園平花氣合谷靜鳥聲幽卽此消
千慮何須覽十洲巖潭集

老君堂東北有長春亭三間東西廂各三間以備游憇

花塔村在州城西北三十里有和平寺唐建州志

北山上平衍西五里有嶺曰長城微有古堞剝蝕傳是秦皇之址有泉出焉曰馬跑又西二里有了思臺下臺而西又十里皆峻嶺也灰嶺險倍于長城石如蛤粉下山有城是鎮邊之廢邑又西八里有城是曰鎮邊兩旁皆山圍之南曰碧駕曰通明北曰鷹揚曰浴落碧駕之巖有小湖中有赤鯉盈尺是曰合抱之河鎮邊西十里有墩曰唐耳背據大山斜界居庸鎮邊廢邑其南皆山中為衢路東曰六華之巖西曰小神之山曰青利之山巖分形如六華其第四巖有洞深窈是為鳴臯洞南十里石台聚曰長峪又西五里有巖曰德勝又曰鳳凰上有

蘭若山下出泉流二十里達于沙河山上有憑鷲臺山
前有觀音洞又曰孤松巖山南嶺曰西峪其下有碑不可辨識自長峪而東二十里有聚曰菩提塹有寺曰白瀑寺出山而北曰白鶴峯又折而東則走高崖山僧言二月之交有山曰青華下可萬仞每有塊形奇物且飛且走銜乳而西獵人莫敢近也藹丘身
白瀑寺在居庸關西百里寺中畫壁碑志皆金大定年物東田漫稿

馬中錫白瀑寺詩白雲深處萬重山寺在雲山杳靄
開四壁丹青圖海會斷碑文字記完顏頤餘盤石僧
初定齋罷生臺鳥未還世上紅塵應不到正宜長日
掩柴關唐上

神嶺山在州東北三十二里山高百餘丈下有龍潭流入白浮堰所謂神山泉也

方輿紀要

神嶺一名三思嶺以其高峻故名

燕都游覽記

銀山在州東北六十里緣石梯而上五六里名中峯唐僧鄧隱峯之所居也下有法華寺有隱峯十詩曰白銀峯曰佛頂峯曰古佛巖曰說法臺曰佛覺塔曰懿行塔曰雪堂曰靈堂曰茶亭曰濛泉金大定六年立石

昌平山水記

隱峯閩邵武軍鄧氏子侍馬祖得悟冬居衡嶽夏止清涼元和中登五臺路出淮西屬官軍與賊交鋒師乃擲錫空中飛身而過兩軍爲之息鬪遂入五臺金剛窟而化

傳燈錄

銀山峯巒高峻冰雪層積色白如銀巒有石壁皆成黑色謂之銀山鐵壁

方輿紀要

銀山度嶺數折峯漸分爲三左一峯石卓立如錐峯下有塔凌空爲法華寺寺建于金天會三年曰大延聖寺正統間太監吳亮修寺後古佛巖乃後人新鑿再上爲鄧隱峯說法臺復躡危磴五六里爲中峯頂峯石銳上如斧刃懸索升之凡兩轉至頂一石臺方丈許翼以扶欄中一石龕供石佛左懸一鐘升者擊焉寺塔七高各數丈

燕山紀游

銀山頂山闢王鼻行山脊如刀背僅容納足長十餘步兩旁如削下臨萬仞不可凝視

中溪集

中峯下有寺曰大延聖寺正統十二年重修賜額曰法

華二碑皆太監吳亮撰并書又弘治十年翰林學士汪諧淨業堂記碑今斷寺西上半里爲松棚菴門內外各一松北上一里鐵壁寺塔曰延聖塔弘治四年建塔前有釋行倫詩碑弘治八年立山北四十里爲井兒谷又一里玉峯山山石盡白樹多蘋婆果林中有大萬聖寺上人呼張開寺像設皆石入山者取道二一從白泛嶺入路險難一從三思嶺牛蹄嶺入差平

帝京景物畧

無名氏詩銀山木在北萬丈青雲梯曉見居庸雪銀山忽在西

昌平舊志

李夢陽題銀山寺作銀山倚鐵壁天外削三峯下見林中寺來聞千夜鐘僧徒住石屋雷雨拔門松西望諸陵接雲成五色龍

空同

昌平人卜地葬母開礦見有紫漆棺而丹漆書其前蓋婦人之墓而其夫所爲文文曰里人盧孝妻祝氏月英父某母某孝始聘其姊爲權力奪去父母以英續盟英貌莊性慧事舅極禮敬女紅經史音樂皆通曉日不廢書夜必刺績夫婦未嘗離舍勢力者復欲奪英英憤恚死歸孝三年年二十一歲散衣十九件皆英手刺花鳥并其平生玩好悉以歸冥至正二年月日夫盧孝撰

耳

蔡松年入關宿昌平作黃塵却送入關山自斷何如二頃田記得鳴鶯碧花句蹉跎秋思又三年

中州集

馬中錫昌平道中作款段遙遙去路長東風吹雨濕衣裳諸陵漸近山光紫三月纔臨柳色黃春事每先

官事了老年翻比少平狂
道旁翁仲如相識笑我來
多兩鬢蒼

東田漫稿

張海百五日宿昌平館中作
搖落掩星館蕭條並鶻
冠鶯花春欲判風雨食猶寒
鄉國松楸暗邊城鼓角
殘兩年游子淚雙袖未能乾

函山集

毛伯溫昌平篇日出見山色
日沒行山邊層壑飛白
雲羣巖廻青天崔嵬大行勢
來脈崑崙巖迢迢歷秦
晉東走何蜿蜒至此突南向
合沓如環連王氣紛糾
錯大野當其前豈徒壯陵寢
亦以開幽燕宸居槩天
表四極羅星躔煌煌太宗業
聿與聖祖肩所貴慎明德
在險戒忘愆皇圖永有固
祈命陳洛篇

東塘集

周詩宿昌平作晨發都城門
暮宿昌平境地折雙溪

流天開萬重嶺月榭露微明
楓林墮初暝謬此陪秋
嘗齋心動遐省

與鹿集

魏允貞平道中作又是清明節
邊城柳未黃逢春
嘗作客無地不思鄉風起征
衣短月明吹笛長誰將
關塞曲早為達君王

息泉摘稿

區大相昌平道中作山家未夕
昏半已掩柴門車馬
爭塗疾牛羊下坂喧春陰入
陵樹雨色過湖村誰道
相如病猶堪守漢園

海日先生集

侯恪昌平道中作再入昌平道
淒涼事不同兵戈經
殺氣鼓角動秋風野色千林
白嵐光片口紅長陵蒼
莽外極目送飛鴻

侯司成集

日下舊聞卷三十三終

日下舊聞卷三十三補遺

京畿九

唐劉蕡昌平人歷遼金無能發潛德天曆間昌平驛官
宮祺始奏廷劉諫議書院金臺集

為避祿廼賢劉蕡祠詩入郭日已暝慘澹風葉赤鞠
躬荒祠下低徊想遺直劉君素忠憤伏闕論邦國痛
陳腹心禍竟罹考功斥餘子盡騫騰鬱鬱負慚色鄉
人仰高義千載崇廟食悲歌風蕭蕭感慨情惻惻出
門無行人涼月照東壁同上

帝幸上都忠惠王從至龍虎臺拜辭帝賜衣慰諭高麗
史世

葛邏祿廼賢龍虎臺詩晨登龍虎臺停驂望居庸絕

壑闕雲氣長林振悲風翠華有時幸北狩甘泉宮千
官候鳴蹕萬騎如飛龍帳殿駐山麓羽葆羅雲中我
行避馳道弗得窮幽蹊衣裘條涼冷積霧浮空濛前
山風雨來驅鞭復匆匆

金臺集

正統己巳秋七月王振挾天子率師親征至龍虎臺安
營方一鼓衆皆虛驚知爲不祥也

古穰雜錄

翠平口在昌平北二里舊名得勝口金大定二十五年

五月改名

元混一方輿勝覽

從紅門望長陵而西入峽中爲得勝口關城雉堞樓櫓
俱壯渡溪上嶺十二盤爲中菴再十二盤爲玉皇殿一
崖獨出殿踞其上廊檻環之

浮山

謁陵各官類晚入昌平宿五更祭陵公署弗能盡容

各以類假宿如兵部官則宿于衛所戶部宿于倉司給
事中宿于劉普祠贊校則翰林寓宿之地與察院相鄰
察院諸御史宿處也楊學士守陞暮抵昌平遂誤入察
院因賦詩曰雙眼風沙百里程敝衣瘦馬到昌平欲尋
頻水先生館誤入分司御史廳導引輿臺顏盡赤將迎
豸繡眼偏青只愁太史明朝奏昨夜文星犯法星

無用

閒談

湯泉知名者七 宦廬汝水尉氏驪山鳳翔之駱谷和州
之惠濟渝州之陳氏山居也燕之昌平李陵臺亦有溫
泉

研北雜志

袁梅龍虎臺詩羣山朝宸居層臺納靈秀百泉暗東
西千嶂明左右先皇雄峩深省方歲巡狩翠華懸中

天問俗首耕耨沉沉魄貅壘濯濯鷹犬藪前行節馳
鼓執御各在手侍臣仰天威長跪四方奏往聞父老
言羅拜上萬壽山桃與黍酒啟齒時一嗅乘雲去無
踪過者必稽首登坡望儲胥紫氣徹牛斗清容居士
集

張翥送駕至大口作萬乘巡行遠三靈佑護多旌旄
隨大纛鼓鐸雜鳴駝初日浮黃繖微風送玉珂臣心
如草色不斷到灤河蛻菴集

九龍池上有粹澤亭亭池南榜世宗皇帝御書也參
子集

陸深弔劉生賦洵劉生之瓌璋兮已亮夫言出而禍
隨誕樹虛而貴實兮紛振古之共悲測彼蒼之倚伏

兮嗟生獨罹乎此時也當明庭而鋪辭兮既已謝乎
無媒也苟忠信之自邛兮又奚必開金石而稱奇願
韜卷以有篋兮恐歲暮之難期凌冰雪以北度兮敬
弔生之芳祠空蘋藻於寒沍兮悵瞻遡之何遲吁會
合其猶然兮羌昧已而前之塞河決于微穴兮當狂
瀾之既殄貳虎逸而負嶠兮欲徒手而徑批臨深淵
而莫戒兮聳旁觀之屢疑佩宣王之昭訓兮亦有道
而言危曰余既知夫隱衷兮冀身郤而道垂謂將來
之可恃兮竟陳言之誰施嘗歷生之故墟兮睇西山
之崔巍尋采薇之舊踪兮路透迤而多岐風號寒而
木怒兮恍有遇于斯須情抑鬱而欲語兮魂靡靡以
難持儻決機于轉圜兮曰獨生之所私儼山集

陸深發昌平詩山城麗淑景沙堤度輕輿身從雲中
歸疑有雲生裾離離列巘嶠藹藹越里墟時有桃李
花無言臨澗隅同上

弘治十年以昌平湯山莊地二百頃賜大慈延福宮勅
建道觀一所額曰崇虛黃圖雜志

聖恩寺在昌平州崔村明正統四年建寺碑翰林院編
修劉昇撰中書舍人趙昂書景泰三年立石木葉山花

記

劉昇聖恩寺碑畧聖恩禪寺在昌平崔村北寶峯下
其地四山環寺東至大獨山南至南阿坡西至釣魚
坡北至將軍陀長陵神宮監太監郁林年九十有四
卒監丞阮包等以其遺錢營建經始于正統二年上

月明年十一月落成都知監太監楊瑛題請寺名勅

賜額曰聖恩禪寺

銀山之上有寺曰汰華太監吳亮所建也山下有寺曰
崇壽亦亮所建寺有碑成化十二年九月立翰林國史
院編修仁和汪諧撰文鴻臚寺序班上虞何洪書木葉
山花記

汪諧崇壽寺碑銀山之下興壽村有寺曰九聖建自
遼壽昌間滿公禪師所創也宣德辛亥春司設監太
監吳亮先建巨刹于山上正統戊辰英廟駕幸北山
賜額曰汰華禪寺既而吳公往來憇息于九聖詢知
爲遼金古刹憫其傾圮復捐貲庇材創大雄殿于寺
之中設三世佛像于殿後建伽藍祖師堂於殿之旁

立天王殿于殿前鑿鐘鼓樓于山門內之左右廊廡
庖福莫不備具經始于天順丁丑春落成于己卯秋
聞于朝賜額曰崇壽禪寺

龍泉寺在昌平州芹城村龍潭之上本天祐舊刹駙馬
都尉井源修之成化三年十月釋道深撰碑行湛立石
黃圖雜志

釋道深勅賜龍泉寺記神山在昌平縣東三十餘里
芹城村村有龍潭約九畝有古龍泉寺天祐元年造
舍利寶塔又有海雲國師及大慶壽尊宿塔又有聖
景軒立德間嘉興大長公主偕駙馬都尉井公源舍
金帛中使鄧智督建

昌平之東地公馬坊釋如進立彌陀寺

